

畧賣良家子女不分已賣未賣俱發邊
衛充軍三口以上及三犯者不分革前
輩後俱枷號充軍婦人有犯罪坐夫男
戍官有犯奏請發落例

成化十四年六月十一日刑部尚書林 等

題為誘賣人口事陝西清吏司案呈准錦衣
衛鎮撫司手本問得犯人楊玘招係直隸隆
慶衛左所余丁天順元年間有在官民匠周
敬軍匠冷榮各衛各賣人口事發刑部廣西
清吏司問發遼東三萬衛充軍通例釋放而
家成化十二等年月日不等玘不合越闕未
京共誘得不知名人家幼男招得見等共三
口周敬又不合哄得幼男毛兒等共一十二

口令崇又不合哄誘得婦女王奴海并幼男
進保三口及有在官餘丁范英又不合哄誘
得不知名人妻奴崇又有舍餘施海不合哄
誘得幼男保兒又有軍人任安妻李三姐不
合哄誘得幼女楊存兒等共五口又有軍人張
敬妻董氏不合哄誘幼男小四子等共一
十五名口又有餘丁覃亮不合哄誘得幼女閨
兒幼男天喜各賣與隆慶州等處民人李
榮等去訖又有餘丁范剛不合哄誘幼女招
兒奴听兒在家憑民匠謝志妻蘇氏亦不合
知情說賣與不知名人去訖玘等各得過銀
兩布疋等物入已事發問招前情明白參照
犯人楊玘等哄誘得良家子女賣錢肥已蘇

氏知情說合似此同惡為非良善受害不容珠
合無將各犯通送擬罪刑部仍行出榜禁約
但有該賣及買到男女許令本家赴官首
告免罪敢有似前隱匿不首者事發一併問
罪等因該本司鎮撫林繼等具題奉

聖旨是擬了罪來說欽此欽遵倫由連人送司除將楊玘等
問擬畧賣良人并牙保戒等徒罪奏奉

欽依俱照例充軍等項發落外查得先該應天府江寧縣
老人譚嘉奏言要乞禁約今後敢有將良人
妻女奸宿傢賣及拐誘良家子女離人骨肉
絕人宗嗣者事發到官俱問罪枷號示衆發
邊遠充軍等因該禮部等衙門會官議得合
合行禁約已經奏

准通行外續該本部廣東清吏司問得犯人穆成犯該畧賣良人臧等徒罪本部查照前例合無將穆成照依前例發邊遠充軍仍行內外問刑衙門今後問擬畧賣和誘人口因犯除在光有奸不良婦女誘賣事發問罪仍照常例發落將良家男女畧誘出外不分已賣未賣事發俱照此例發邊遠充軍婦人有犯若夫在或子知情罪坐夫男遠出而子幼弱仍坐本婦事例發落等因該本部官具題奉

聖旨是欽此欽又經通行欽遵去後今該前因將出榜緣由案呈到部看得畧賣人口明有禁例人當遵守豈期無籍之徒視為泛常恬不知惧近日以來犯者愈多迺相校老全無忌憚及至事

發充軍遇例回還不思改過仍蹈前非似此極惡怙終不惧若不重加禁治深為未便欲照錦衣衛鎮撫司奏

往事理申明禁約本部出給榜文通行兩京并天下同府州縣衛所等衙門各於人煙湊集去處常川張掛曉諭如有畧賣及知清買到男女自榜文到日為始限一個月以裏許令本犯赴官自首與充軍本罪男女給親完聚敢有仍前隱匿不肯及今後有犯者在京聽錦衣衛巡捕官校五城兵馬司在外計所在官司督令地方火甲并隣佑人等緝拿送官究問明白依律議罪除和同相誘賣他人子女及賣本宗卑幼者止照例常照例發落若係畧賣良家子

女者不分已賣未賣與設方畧而誘取良人者
軍民舍餘旗校匠役人等俱照先行事例連
當房家小發邊衛充軍原係邊軍調發控
邊衛分常川事墩哨嘹婦女有犯亦照前例施
行軍民耿官有犯監候奏

請發落若畧賣良人子女至三口以上者及三犯不分革前
革後俱有一百斤枷於衙要街市枷號一箇月
滿日照例充軍其窩主與賣人者其牙保人
知情及隣佑人知而不拿首者一併治罪如此
庶幾法令嚴明人知警懼俱本部欵刊印榜文
發去各處張掛緣天下衙門數多難以偏給合
無除西京地方本部印給張掛外其浙江等
十三布政司每處印榜文二道發去該司

南北直隸去處每處印榜文二道啓送都察
院轉發巡按御史各用一道張掛一道依式翻
刊俱各該印信鈐記張縫張掛曉諭禁約
緣係出榜申明禁約事理未敢擅便具題
次日奉

聖旨是欽此